

# ՊԱՏՄԱ-ԲԱՆԱՍԻՐԱԿԱՆ

ՎԱՐԿԱՆ ԳՐԻԳՈՐՅԱՆ

Պատմական գիտությունների դոկտոր

## ՂՈՒԿԱՍ ԿԱՐՆԵՑԻ ԿԱԹՈՂԻԿՈՍԻ

### «ԹՈՒՂԹ ԿԱՆՈՆԱԿԱՆԸ»

1786 թ. ղեկվեմբերին Էջմիածնի վանքի կաթողիկոսական կոնդակների ու նամակների սևագրությունների մաքրանում գրանցվեց մի կարևոր գրություն, որը 1787 թ. հունվարի 11-ին մաքրագրվեց երկու օրինակ, մեկն ուղարկվեց Կ. Պոլիս, մյուսը պահվեց Էջմիածնում: Մեր ձեռքի տակ է ցարդ անտիպ մնացած այդ գրության թե՛ սևագրությունը<sup>1</sup> և թե՛ մաքրագիր օրինակը<sup>2</sup>: Վերջինս կնքված է Ղուկաս Կաթողիկոսի (1780-1799) կողմից և վավերացված Էջմիածնի վանքի բոլոր միաբանների (18 նպիսկոպոս, 35 վարդապետ, 3 արեղա) կնիքներով: Մաքրագրող քարտուղարը կնիքների տակ դրել է միաբանների անունները: Այդ գրության բովանդակությունը խտրացված է վերնագրի տեսք ստացած ներքոհիշյալ համառոտագրության մեջ. «Թուղթ կանոնական ի հաստատություն նախնեացն սահմանաց վասն որպիսաբար ընտրելոյ և կացուցանելոյ զկաթողիկոս ի սուրբ Աթոռս Էջմիածնի, և որպէս վարելոյ սպասատորաց նոցա և զործակալաց, նաև նուիրակացն ի գործս իւրեանց, որ առ ընդհանուր ազգն: Գրեցաւ յերկուս օրինակս և կնքեցաւ ի սրբազանէն և բոլոր քահանայակարգ միաբանիցն և յայլոց, որոց մինն առաքեցաւ ի Կոստանդինուպոլիս և մինն պահեցաւ ի սուրբ Աթոռոջս»<sup>3</sup>:

Ի՞նչը պատճառ դարձավ «Թուղթ կանոնականի» սրբեղծվելուն և ի՞նչ է դա իրենից ներկայացնում:

<sup>1</sup> Մաշտոցի անվան Մատենադարան, ձև. 4501, էջ 1565-1566:

<sup>2</sup> Մատենադարանի արխիվային բաժնի, կաթողիկոսական դիվան, թղթապանակ 243, վավերագիր 69:

<sup>3</sup> Ձև. 4501, էջ 1501, 1565:

Միմեոն Երևանցի կաթողիկոսը (1763-1780) 1775 թ. Զմյուռնիայից երկանջեց Ղուկաս Կարնեցի եպիսկոպոսին, որը մեկնել էր այնտեղ որպես նվիրակ և առաջնորդ: Ի դեմս իր նախկին տաշակերպի նա փեսմում էր ազդեցիկ, գործիմաց, շրջահայաց և կազմակերպչական անուրանալի ձևերով շարժված մի հոգևորականի, որին կարելի էր այդպիսի ծանր ու դժվարին պայմաններում վստահել Հայոց Եկեղեցու ղեկավարությունը: Երբ բերելով նրան Էջմիածին՝ քաղաքական բուռն իրադարձությունների մեջ ուժասպառ եղած Միմեոն Երևանցին ծրագրել էր Ղուկաս Կարնեցուն որպես խորհրդական պահել իր կողքին և ի վերջո նրան թողնել Ամենայն Հայոց Կաթողիկոսի Աթոռը:

Այդ փարիներին քաղաքական ծանր վիճակ էր սրելովել Արևելյան Հայաստանում, հարկապես նրա կենտրոնական մասում Արարապոյան դաշտում: Երևանի խանը, չկարողանալով պաշտպանվել Իրանի հյուսիսում մերթ ընդ մերթ հզորացող բնակավայրերից, հարկադրված էր եղել համապատասխան դրամական վարձատրությամբ օգնություն հայցել Քարթլ-Կախեթի թագավոր Ներակի Բ-ից: Հարկային այդ կախվածությունը, սակայն, փրկական բնույթ չուներ, ուստի վրաց թագավորը ժամանակ առ ժամանակ արշավում էր դեպի Երևան՝ ավերելով ու ամայացնելով Արարապոյան դաշտի բնակավայրերը: Այդ արշավանքները պարբերաբար հետևում էին միմյանց և Միմեոն Երևանցին միշտ չէ, որ կարողանում էր հաշտեցնել երկու կողմերին:

1779 թ. Ներակի գործը կրկին ներխուժել էր Արարապոյան դաշտ և շրջապարել Երևանի բերդը: Չկարողանալով գրավել այն՝ նա Արարապոյան դաշտի ութ գյուղերի բնակիչներին իր գործի հետ փառել էր Վրաստան: Բայց նախքան գնալը, Երևանի խանին նա մի նամակ էր գրել, որով հայտնել էր իր կողմից երկիրն ավերելու, մարդկանց գերեվարելու և այն մասին, որ «թե այսպես է առնելոց, եթե ոչ անսայցեն»<sup>4</sup>:

Միմեոն Երևանցի Կաթողիկոսի կյանքի վերջին ամիսներն անցան ընդհանուր ավերածության ու ամայության պայմաններում: Ներակի փեղախան արած և Վրաստան փեղափոխած բնակիչների մի մասը ոչնչացավ՝ «կետք ժանդ-մանի, կետք օդով խաբութեան, կետք սովու և կետք այլ իմն ցաօք ըստ մեծի մասին հանգեան ի Քրիստոս»<sup>5</sup>: Ներագայում Ղուկաս Կաթողիկոսը շարժվեց ու ջանք թափեց կենդանի մնացածներին իրենց փնտրել վերադարձնելու համար: Հայտնի է, որ Երևանի Հուսեյն-Ալի խանը ձգտում էր Ներակի արշավանքի վրեժը լուծել հայերից: Նա ձեռքակալել էր Երևանի հայ մեծապետներից ոմանց, թալանել նրանց ունեցվածքը և մի

<sup>4</sup> Գաբրիել Ա. Կաթողիկոս, Նխթեր եւ ուսումնասիրութիւններ հայ արուեստի եւ մշակոյթի պարունոթեան, պրակ. Ե., 1951, Անթիլիաս-Լիբանան, էջ 52:

<sup>5</sup> Նույն փեղում, էջ 56:

մասին սպանել: Այժմ նա հարմար առիթի էր սպասում իր բարեկությունը էջմիածնի վրա թափելու համար:

Միմեռն Երևանցիին մահացավ 1780 թ. հուլիսի 26-ին: Մահից երկու օր ատաջ նա կանչել էր բոլոր եպիսկոպոսներին և հայրենի, որ ինքը Ղուկասին պահել էր իր մոտ, որ «յաջորդաբար նա լիցի Հայրապետ և կառավարեսցե գտորք Աթոռս յայսմ վրանգամծին և վրդովեալ ժամանակիս»<sup>6</sup>: Դրանից յոթ օր անց, օգոստոսի 2-ի կիրակի օրը, Ղուկաս Կարնեցին օծվեց կաթողիկոս<sup>7</sup>: Էջմիածնի միաբանները, հաշվի առնելով ստեղծված պայմանները, ստիպված էին արտակարգ հապճեպությամբ, ատանց դրսի հայերի գիտության ու համաձայնության կարտարել նոր կաթողիկոսի ընտրությունը՝ մի բան, որ կարող էր հայության մեջ դժգոհություն ու պատակարամ ատաջ բերել: Այդ շրապառականությունը վանքի գրագիր Անանիա սարկավազը պարճատաբանում է այսպես.

«Վասն անբութեան երկրիս, ըստ մեծի մասին և խառնակութեանցն (միաբանները-Վ. Գ.) ոչ կարացին թողուլ թարց հոգաբարձուի գտորք Աթոռս յերկար ժամանակս: Զանգի այս երկրական ժանտըն և գայլաբարոյքն կարաղիք կամէին զպետսն վնասս հասուցանել սրբոյ Աթոռոյս ամենայն կերպիս, թող թէ արտաքին թշնամիքն երկրիս»<sup>8</sup>:

Սովորաբար, կաթողիկոսի ընտրության հարցում Կ. Պոլսի հայերին էր վերապահված վերջին խոսքը: Երբ լինում էր ընտրությունը և այդ մասին կազմվում համախոսական գրություն (մահսարագիր), այն փանում էին շրջակա վայրերը և հայկական գաղութները, որտեղ ի նշան համաձայնության կնքում էին մահսարագիրը: Ամենավերջում մահսարապար արքեպիսկոպոսը մնկնում էր Կ. Պոլիս, և այնտեղի հայերը փալիս էին իրենց համաձայնությունը կամ հակառակ դեպքում, եթե կար ավելի հարմար թեկնածու, նրան էին ընտրում, հետո սրանում կաթողիկոսի հաստատման ակտանական հրովարտակը (ֆերմանը) և ուղարկում էջմիածին: Դրանից հետո միայն տեղի էր ունենում կաթողիկոսի օծումը<sup>9</sup>: Այժմ խախտվել էր այդ կարգը և դրսի հայերը դրվել էին կարտարված փաստի առջև:

Եբբ մահսարապար Մեթ Պեպրոս եպիսկոպոս հոգաբարձյանն ընտրության վերաբերյալ կազմված արձանագրությունը, որի փակ ստորագրելու կնքել էին ընտրողներն ու հարևան բնակավայրերի ներկայացուցիչները, հասցնում է Կ. Պոլիս, այնտեղ արդեն ամեն ինչ գիտեին և չափազանց վրդովված էին: Զաքարիա Պարրիարքը կարգադրում է չընդունել Ղուկասին որպես կաթողիկոս, նրա անունը չհիշատակել եկեղեցիներում, չհանել

<sup>6</sup> Ղուկն փեղում:

<sup>7</sup> «Յիշատակարան, Միմեռն Կաթողիկոս», «Արարար», էջմիածին, 1875, էջ 340:

<sup>8</sup> Մարտնադարան, ձեռ. 4481, էջ 1ա:

<sup>9</sup> Դիան հայոց պարմութեան, գիրք Դ, Ղուկաս Կաթողիկոս, Թիֆլիս, 1899, էջ 1Գ-1Դ:



բացատրիկ այդ խախտումը՝ մեկնաբանել հայոց Եկեղեցու Կաթողիկոսական ընկերության ընդունված և սրբագործված կարգը՝ հնրագայում թույլ չտալու համար նման կարգի խախտումներ: Առավել ևս, որ այդպիսի կանոնական թղթի սպեղծման ու հաստատման պահանջ էին ներկայացրել նաև կոստանդնուպոլսեցիները:

1787 թ. հունվարի 11-ին Կ. Պոլսի Պատրիարքին, քահանաներին և ողջ ժողովրդին ուղղված կոնդակում Ղուկասը գրում է, թե կանոնական թղթի սպեղծման պահանջը միանգամայն օրինական է, ուստի ինքը թողնելով «գրիտազան հոգս և զգործատնությունս մեր անպակասելիս յայսքան միջոցի ... գրեցաք զկանոնական նամակն Բ (2) համանման՝ հանդերձ պատճառօք և որպիսութեամբն անցիցն մերոց, և բոլոր եպիսկոպոսօք և քահանայակարգ միարանիւք սրբոյ Աթոռոյս և առաջնորդօք մերձակայ վանորէից մերոց կնքեալ, զմինն թողաք ի սուրբ Աթոռօջս մնալ մշտնջննապէս և զմինն ընդ հոգևոր որդւոյդ մերում՝ Յովհաննէս խոհեմամիտ վարդապետիդ առաքեցաք առ ձեզ՝ ի մնալ յայդր միշտ, զոր փեսանելոց էք»<sup>15</sup>:

1787 թ. հունվարի 11-ի կոնդակի մեջ Ղուկաս Կարնեցին ընդգծում է այն հանգամանքը, որ թուրք կանոնականը սպեղծվել է վերացնելու բոլոր կարգի զժպտություններն ու փարածայնությունները՝ «երթալով սլորոյ և խաղաղութեան և որպէս յառաջն, ջերմանալ ի սէր սրբոյ Աթոռոյս և մեր ... որպէսզի ... զսուրբ Աթոռս և զօրհեռալ ազգս մեր լաւապէս կառավարեսցուք ի պարձանս ձեր»: Վերջում նա խնդրում է կոնդակը Կ. Պոլիս հասցնող հովհաննէս վարդապետին շուտ պատասխան փոխ և վերադարձնել, որպէսզի հնարավոր լինի նվիրակ ուղարկել և «որ այս պաղտությունքն բարձցին ի միջոյ և սուրբ Աթոռ մայրս ձեր ոչ բազմապատրիկ վնասեսցի»<sup>16</sup>:

Կանոնական թղթի հետ միաժամանակ էջմիածնի միաբանները նամակ են գրում կոստանդնուպոլսեցիներին՝ «զեկուցանելով և յամեցման առիթն (ըստ որում յապաղեցաւ միջոցն), և նս՝ յորդորումն ի խաղաղութիւն առ եղբայրս և ի հարագատութիւն առ սուրբ Աթոռս, և առ սրբազան Վեհապետն մեր»<sup>17</sup>:

Նույն օրը Ղուկաս Կարնեցին և միաբանները նամակ են գրել Զաքարիա Պատրիարքին, որը, ցավոք, զբանցված չէ սևագրությունների մատչանում: Բայց պահպանվել է նրա համառորագրությունը, որը մեջ ենք բերում ամբողջությամբ. «Թուրթ մի ևս առ Պատրիարք Զաքարիա վարդապետն վասն կանոնականի գրոյն, զոր ահա գրեալ և կնքեալ սրբազան Վեհա-

<sup>15</sup> Ձեռ. 4501, էջ 1092:

<sup>16</sup> Ձեռ. 4501, էջ 1093:

<sup>17</sup> Ձեռ. 4481, էջ 195ա:

պետրին և միաբանիցն յղեցին ընդ Յոհաննէս վարդապետին, և յորդորումն ի սէր սրբոյ Աթոռոյս և իւր ընդ որս և առանձին ինչ բանք»<sup>18</sup>:

Անցնենք այժմ «Թողթ կանոնականին»: Վերը նշված երկու օրինակներից մեկը, որը պատրաստել ենք հրատարակության, ճիշտ այնպես է, ինչպես Կ. Պոլիս ուղարկվածը: Գրված է գեղեցիկ նախագրով, միմյանց ստուգիչում երկու մեծ թերթերի վրա: Դրանց միացման տեղի վրա դրված է կաթողիկոսի փոքր կարմիր կնիքը, որի վրա ընթերցվում է. «Ղուկաս Կաթողիկոս ՌՄԻԹ»: Չափսն է 140x49 սմ: Բաղկացած է 110 փողից: Մի շարք բառեր գրելու համար օգտագործված է կարմիր գույնի թանաք: «Թողթ» վերևում, կենտրոնական մասում, կաթողիկոսական կնիքն է, կարմիր գույնով (տրամագիծն է 5 սմ), որը հրաշալի պահպանվել է: Կնիքի կյտր շրջագծի մեջ պատկերված Միածինը Գրիգոր Լուսավորչին ցույց է տալիս Էջմիածնի վանքը: Նրանք երկուսն էլ շրջապարված են չորսական հրեշտակներով: Կնիքի շրջագծի վերի մասում գրված է հետևյալը. «ՇՆՈՐՔԻՆ ԱՍՏՈՒԾՈՅ ՏԵՐ ՂՈՒԿԱՍ ԿԱԹՈՒՂԻԿՈՍ ԱՄԵՆԱՅ ՆԱՅՈՅ ԵՒ ՊԱՏՐԻԱՐԿ ՄԱՅՐ ԷԶՄԻԱՇՆԻ ՌՄԻԹ»: Ներսի շրջագծի մեջ՝ «ՏԵՄԻԼ ՍՐԲՈՅՆ ԳՐԻԳՈՐԻ, ԻԶՄԱՆ ԲԱՆԻՆ ՄԻԱՇՆԻ, Ի ՎԱՂԱՐՇԱՊԱՏ ՔԱՂԱՔԻ, ՇԻՆԵԱԼ ՏԱՃԱՐՍ ՆՐԱՇԱԼԻ»:

«Թողթ» սկզբում Ղուկաս Կարենցին սիրո, ողջույնի և օրհնության խոսքեր է ուղղում արևմուտքում, արևելքում, հարավում և հյուսիսում, ինչպես հարկապես Կ. Պոլսում, Զմյուռնիայում, Սպահանում ու Նոր Զուղայում ապրող հայ հավատացյալ ժողովրդին, Երուսաղեմի, Կ. Կոյսի Պատրիարքների, բոլոր հոգևորականներին ու աշխարհիկ իշխաններին, առևտրականներին, արհեստավորներին և երկրագործներին: Այնուհետև նշված է, որ մեր նախնիները և Նայրապետները բարվոք կարգ և օգրակար սահմանադրություն են կանոնել ու ավանդել մեզ: Նրանց հետնորդներն ու աշակերտները պետք է ղեկավարվեն նրանցով, «այլապես անպատասխար լեալ՝ ընդունեն գեարուածս և բազմավնաս դիպուածս յամենայն կողմանց»: Նկատ գրում է, որ ըստ «նախնավանդ և հնագույն սահմանադրութեան» կաթողիկոսը կարգվում է բոլոր միաբանների և «ընդհանուր ազգի մերոյ» ընտրությամբ ու համակամությամբ: Նա վկայակոչում է Աղեքսանդր Զուղայեցի Կաթողիկոսին, որը հնագույն կանոնները «կանոնադրեալ և կրակապէս աւանդեալ է ի նամակի իրում», որպեսզի իրենից հետո և ապագայում առանց վկայական թղթի «չորեքծագեան կողմանէ, որք թեմ և վիճակ են և ժողովուրդ սրբոյ

<sup>18</sup> Միածամանակ Ղուկաս Կարենցին նամակ է գրել Թոխաթում գրվելով մահտեսի Աղամջանին և հանձնարարել օժանդակություն ցույց տալ Կ. Պոլիս մեկնող Նովիաննես վարդապետին, իսկ Կարինի գործակալ Նայրապետին կարգադրել է Նովիաննեսին տալ ճանապարհածախս՝ 150 դրոմոյ (Չեռ. 448 I, էջ 196ա-196բ):

Աթոռոյս» առանց «Իսպախանիի եւ Իսպամայօլի» և առանց աւորք Աթոռի մեծ ժողովի ոչ ոք չի կարող ձեռնադրվել կաթողիոս:

Աղեքսանդր Բյուզանդացի Կաթողիկոսը իր կանոնադրոյթյան մեջ գրել է, թե «Նայրապետ մերոյս ազգի ... համահաւանութեամբ բոլոր ազգիս մերոյ եղիցի ընտրեցեալ»: Որ նա «լինիցի ի հաւաքս ուղղափառ, միաբնադաւան... ի գործս բարի, ի հասակս կարարեալ, ի վարս պարկեշտ, ի բարս քաղցր և խոնարհ և այլն»:

Ղուկաս Կարնեցին վկայակոչում է նաև Նակոր Շամախեցի Կաթողիկոսի կանոնները, ըստ որոնց վախճանված Նայրապետի փոխարեն նորն ընտրվելու է «աթոռայեոցս և ամենայն ազգի մերոյ կամակցութեամբ»: Ապա բերում է ընտրութեան ժամանակ պարտադիր հետևյալ չորս կանոնները.

Նախ, ընտրված կաթողիկոսը մինչև օծվելը իր անունը չպետք է հիշափակի «հայրապետական անուամբ» եկեղեցական ազդեցութեան ժամանակ:

Երկրորդ, նախքան օծվելը իր նամակների սկզբում անվան մոտ նա պետք է գրի արքեպիսկոպոս և կաթողիկոսացու»:

Երրորդ, մինչև օծվելը կաթողիկոսը իր նամակները կնքելու համար օգտագործելու է սև գույնի թանաք:

Չորրորդ, կաթողիկոսացուն, եթե կարելի լինի գնալ Էջմիածին, ապա այլ վայրում չպետք է օծվի «ի հայրապետութիւն»:

Ղուկասը նշում է, որ նախապես իմանալով այս բոլոր կանոնների մասին՝ ինքը, այնուամենայնիվ, հարկադրված է եղել շուրափույթ, առանց դրսի հայերի գիտութեան և համաձայնութեան, կաթողիկոս օծվել: Ներքո նա մանրամասն նկարագրում է ստեղծված քաղաքական կացութիւնը: «Անալյայնցանէ պարճառացն հարկաւորեցեալ, այսպէս եղև կոչումն մեր և օծումն, և ոչ այլ կերպիւք»: Այդ պարճառների մասին խոսք եղավ այս երապարակման սկզբում:

Ղուկաս Կարնեցին անհրաժեշտ է համարում «կրակօրէն դրոշմանք ի թղթիս և կանոնադրեմք» հետևյալ կանոնները, որոնք «ըստ վաղնջական սովորութեանց եղելոց ի աւորք Աթոռոջս» և որոնք այնուհետև «անվրէպ կարարեսցին»:

Նախ, կաթողիկոսի մահվան ժամանակ գլխավոր արքեպիսկոպոսները Վեհաբանից դուրս են հանում սպասավորներին, ապա փակում ու կնքում դռները, բայց բանալիները թողնում են նախկին սպասավորների մոտ: Եթե որևէ առարկա հարկավոր լինի, ապա նույն կնքողները սպասավորների հետ, որոնց մոտ էին գտնվում բանալիները, բաց են անում դռները, վերցնում հարկավոր առարկաները, փակում և կնքում դռները մինչև նոր կաթողիկոսի ընտրվելը: Երբ ընտրութեանը կայանա, և կաթողիկոսը գա նստելու իր գահին, ապա նրան պետք է հանձնեն իր փունն ու բանալիները:

Երկրորդ, ըստ Աղեքսանդր Զուղայեցի Կաթողիկոսի կանոնի և «ըստ յիշեցմանց» Աղեքսանդր Բյուզանդացու և Նակոր Շամախեցու, կաթողիկոսի

մասից հետո ս. Աթոռում գումարվելու է ժողով բոլոր միաբանների, առաջնորդների, քահանաների, երկրի իշխանների և նշանավոր մարդկանց մասնակցությամբ, որի ժամանակ ընկրվելու է «գիայրապետության արժանի արքեպիսկոպոսն», որը կարող է լինել թե՛ Էջմիածնից և թե՛ այլ վայրերից: Ներո համախոսական նամակ (մահաւար) պետք է գրել մեր ազգին «նմանաւանդ ի գերահռչակ մայրաքաղաքն Կոստանդնուպօլիս և ի յԱսպահան» և համակամությամբ խնդրեն «կարգել գնա կաթուղիկոս»:

Իսկ թե ոմանք առանց գիտության և համահաճությամբ բոլոր ազգին հանդգնեն մի որևէ եպիսկոպոսի ընկրել կաթողիկոս, և ինքն էլ համաձայնվի դրան, ապա դա անընդունելի կլինի, կհամարվի խոտվություն, և ընկրողները նզովյալ կլինեն:

Երրորդ, նորընտիր կաթողիկոսը Էջմիածնի վեց գլխավոր և փարիքով ծեր եպիսկոպոսների ընկրում է իրեն խորհրդակից և «նոցին գիտութեամբն զգլխաւոր առնլիս առնուցօ, և զփայիսն փացէ»: Այս կանոնը նորությամբ չէ և օտար չէ «ի նախնեացն սովորութեանց», քանի որ միշտ էլ ս. Տան «իրակութիւնք» գործակալներն են արել, ամենայն մուտք և ելք նրանց ձեռքով է կատարվել ու գրանցվել դավթարների մեջ: Ուրեմն կաթողիկոսի մութ գրնվող արքեպիսկոպոսը, փնդապահը, աթոռակալ կոչվող գործապետը, ս. Տաճարի մեծ լուսարարը, ժամօրհնողը և դարպասսչին խորհրդականներ են լինելու կաթողիկոսին և «մտերմաբար ակնածուք ամենայն գործառնութեանց, ելից և մտից սրբոյ Գահիս»:

Չորրորդ կանոնը վերաբերում է Էջմիածնի նվիրակներին: Վերջիններս, ըստ Նախոր Զուղայեցու գրած խրատների և իր՝ Ղուկասի «պատուիրարությունանց», ուր էլ գնան, համեստ և պարկեշտ պետք է լինեն, «առաքինավար և ողղաքարոզ»: Չպետք է խառնվեն վիճակների առաջնորդների գործերին, սիրով ու քաղցրությամբ պետք է վարվեն Երուսաղեմի նվիրակների հետ: Նրանց միմյանց նկատմամբ եղբայրասիրության բարի օրինակ պետք է լինեն ժողովրդի համար, կռվից աւ աղմուկից մշտապես պետք է խույս փան: Նվիրակները ս. Աթոռի արդյունքները չպետք է վարեն և իրենց գործն ավարտելուց հետո անհապաղ վերադառնալու են Էջմիածին և այնտեղ են փալու իրենց հաշվետվությունը: Ժողովրդի հետ նրանք խաղաղությամբ պետք է վարվեն, մեղմությամբ, նրանց հորդորեն ս. Աթոռին փալու իրենց փորքերը:

Ուշագրավ են այս կապակցությամբ Ղուկաս Կարնեցու արտահայտած մտքերը. «չափատրապէս խնդրեսցեն զնոյն, իբր զկաթն ի կթելոց, և ոչ ճնլելով զպարկունս, զի արիւն նլցէ ըստ իմաստնոյն»: Նվիրակներին նու պատվիրում է ողղասիրաբար, խոհեմությամբ և բարի քաղաքավարությամբ վարվել բոլորի հետ, որպես վայել է: Զրիստոսի պաշտոնյային և ս. Աթոռից ուղարկված առաքյալին մխիթարելով ժողովրդի սիրտը շահեն և ս. Աթոռը փառավորեցնեն իրենց բարի գործերով: Իսկ նրան նվիրակներից

ոմանք հակառակն անեն և այդ մասին վիճակներից բողոքներ հասնեն կաթողիկոսին, ապա նրանք ետ կվերադարձվեն Էջմիածին, կդադարեն և արժանի պատիժ կստանան:

Այնուհետև խոսվում է այն անձանց մասին՝ «ի դատելեացն ոք», որոնք անհնազանդություն կցուցաբերեն Նայրապետին Օսմանյան փերոյան մեջ: Այդ դեպքում կաթողիկոսը պետք է գրավոր դիմի Կ. Պոլսի Պատրիարքին՝ մեղավորին արքունական հրամանով Էջմիածին ուղղարկելու համար:

Վերջում հորդորվում է ամենայն ժամ պահել Աստուծո օրենքները, պատվիրանները և մեր սուրբ Նայրապետների կանոններն ու բարի ավանդությունները: Նա նշում է, որ բազմաթիվ անձանց խնդրանքով գրել է այս կանոնները «ի յօգուտ սրբոյ Աթոռոյս, ի խաղաղութիւն և ի շահ օրինեալ ազգիդ»: Կանոնները գրվել են երկու օրինակից՝ «միայեւ», կնքվել ս. Գահի բոլոր նախկուպոսների ու քահանայակաթող միաբանների կողմից: Եվ արդ, ովքեր չեն հեղինակ «զխաղաղաոխթ, աստուածահաճոյ և օգտաւոր կանոնսս գայտսիկ ... արժանիք յիցին մերոցս դատաստանաց և պատժոց հոգևորապէս և մարմնատրապէս»: Իսկ ովքեր հնազանդությամբ կատարեն այս գրվածները, կլինեն «անպարպք պատժոց և ազատք ի խղճէ, օրինեալ յԱստուծոյ և ի մէջ»: